

IZVJEŠTAJ NEZAVISNOG REVIZORA**Vlasnicima VGT BROKER D.O.O. VISOKO**

Obavili smo reviziju priloženih finansijskih izvještaja VGT BROKER D.O.O. VISOKO (u daljem tekstu "Društvo"), prikazanih na stranicama od 3 do 25, koji obuhvataju: Izvještaj o finansijskom položaju na dan 31. decembar 2016. godine, Izvještaj o bilansu uspjeha i sveobuhvatnoj dobiti, Izvještaj o promjenama u kapitalu i Izvještaj o novčanim tokovima za godinu tada završenu, te sažetke značajnih računovodstvenih politika i drugih napomena uz finansijske izvještaje.

Odgovornost Uprave za finansijske izvještaje

Uprava Društva je odgovorna za sastavljanje i fer prezentaciju priloženih finansijskih izvještaja u skladu sa Međunarodnim standardima finansijskog izvještavanja, kao i za one interne kontrole za koje Uprava smatra da su neophodne da omoguće sastavljanje finansijskih izvještaja koji ne sadrže značajno pogrešno prikazivanje uslijed prevare ili pogreške.

Odgovornost revizora

Naša odgovornost je izraziti nezavisno mišljenje o priloženim finansijskim izvještajima na osnovu revizije koju smo obavili. Reviziju smo obavili u skladu sa Zakonom o računovodstvu i reviziji i standardima revizije primjenjivim u Federaciji Bosne i Hercegovine. Ti standardi zahtijevaju da postupamo u skladu sa etičkim zahtjevima, te da planiramo i obavimo reviziju na način da steknemo razumno uvjerenje da finansijski izvještaji ne sadrže materijalno značajne pogreške.

Revizija uključuje primjenu postupaka kojima se prikupljaju revizorski dokazi o iznosima i objavama u finansijskim izvještajima. Odabrani postupci zavise od revizorove prosudbe, kao i od procjene rizika značajnog pogrešnog prikazivanja finansijskih izvještaja uslijed prevare ili pogreške. Prilikom procjenjivanja rizika, revizor razmatra interne kontrole koje su relevantne za sastavljanje i fer prezentaciju finansijskih izvještaja kako bi osmislili revizorske postupke koji odgovaraju datim okolnostima, ali ne i za svrhu izražavanja mišljenja o efikasnosti internih kontrola u Društvu. Revizija također uključuje ocjenjivanje adekvatnosti primjenjenih računovodstvenih politika i razumnost računovodstvenih procjena Uprave, kao i ocjenjivanje prezentacije finansijskih izvještaja u cjelini.

Vjerujemo da su revizorski dokazi koje smo pribavili dovoljni i adekvatni da osiguraju osnovu za izražavanje našeg mišljenja.

Mišljenje

Prema našem mišljenju, priloženi finansijski izvještaji istinito i fer prikazuju finansijski položaj VGT BROKER d.o.o. Visoko na dan 31.12.2016. godine, rezultate njegovog poslovanja i novčane tokove za 2016. godinu u skladu sa Međunarodnim standardima finansijskog izvještavanja.

Sastavni dio ovog "Izvještaja" je osvrt na ispunjavanje uslova Standarda kapitala profesionalnog posrednika na dan 31.12.2016. godine, a shodno odredbama Zakona o tržištu vrijednosnih papira (Službene novine FBiH, broj 85/08, 109/12 i 86/15) i Pravilnika o ovlaštenim učesnicima na tržištu vrijednosnih papira (Službene novine FBiH br. 31/09, 73/09, 66/11, 87/12, 46/13 i 36/14).

Direktor Viteškić Indira, dipl.oec.

Recont d.o.o. Zenica

Branislava Nušića broj 7

Zenica, Mart/2017. godine



Ovlašteni revizor
Hatibović Adis, dipl.oec.